

論曰。經云風者百病之始。善行而數變。行者動也。風本生于熱。以熱為本。以風為標。凡言風者熱也。和云熱則生風。冷生氣是以熱則風動。宜以靜勝其燥。是養血也。治須少汗。亦宜少下。多汗則虛其衛。多下則損其榮。汗下各得其宜。然後宜治在經。雖有汗下之戒。而其中藏中腑之說。中府者宜汗之。中藏者宜下之。此雖合汗下。亦不可過也。仲景曰。汗多則亡陽。下多則亡陰。亡陽則損其氣。亡陰則損其形。經曰。氣血者人之神。不可不謹養也。初則表裏不和。須下汗之。表裏已和。是宜治之在經也。其中府者。面加五色。有表症。脉浮而惡風。惡寒拘急不仁。或中身之後。或中身之前。或中身之側。皆中府也。其治多易。中藏者唇吻不收。舌不轉。而失音。鼻不聞香臭。耳聾而眼瞤。大便便秘。結皆曰中藏也。其治多難。經曰。六府不和。流結為癰。五藏不和。九竅不通。若外無留結。內無不通。必知在經矣。初症既定。宜以大藥養之。當順時令。而調陰陽。安藏府。而和榮衛。察病機。審氣宜。而少有不愈者。若風中府者。先以加減續命湯。隨症發其表。若忽中藏者。則大便多秘澀。宜服三化湯。通其滯。表裏症已定。別無他變。故以大藥和治之。大抵中府者。多着四肢中藏者。多滯九竅。雖中府者。多兼中藏之症。至于舌強失音。久服大藥。能自愈也。有中風濕者。夏月多有之。其證身重如山。不能轉側。宜服除濕去熱之藥。治之不可用針。可用灸。今具六經續命湯。方小續命湯。通治八風五痺。痿厥等病。以一歲為總。以六經為別。春夏加石膏。知母。黃芩。秋冬加桂。附片。藥又於六經別約。隨症細分加減。自古名醫。不能越此。

凡覺中風。必先審六經之候。慎勿用大熱藥。烏附之類。故陽剽剛勝。積燎原為消狂。瘡腫之屬。則天癸竭而榮涸。是以中風有此誠。故經所謂邪風之至。疾如風雨。易曰。撓萬物者。莫疾乎風。若感之淺者。留于肌膚。感之深者。達于骨髓。蓋禍患之機。藏于細微。非常人之豫見。及其至也。雖智者不能善其後。是以聖人之教下。皆謂之虛邪。賊風避之有時。故中風者。俱有先見之症。凡人如覺大拇指及次指麻木不仁。或手足不用。或肌肉蠕動者。三年內必有大風之至。經曰。肌肉蠕動。命曰微風。宜先服八風散。愈風湯。天麻丸。各一料為效。故手大指次指。手太陰。陽明。經風多。

論曰。經云風者百病之始。善行而數變。行者動也。風本生于熱。以熱為本。以風為標。凡言風者熱也。和云熱則生風。冷生氣是以熱則風動。宜以靜勝其燥。是養血也。治須少汗。亦宜少下。多汗則虛其衛。多下則損其榮。汗下各得其宜。然後宜治在經。雖有汗下之戒。而其中藏中腑之說。中府者宜汗之。中藏者宜下之。此雖合汗下。亦不可過也。仲景曰。汗多則亡陽。下多則亡陰。亡陽則損其氣。亡陰則損其形。經曰。氣血者人之神。不可不謹養也。初則表裏不和。須下汗之。表裏已和。是宜治之在經也。其中府者。面加五色。有表症。脉浮而惡風。惡寒拘急不仁。或中身之後。或中身之前。或中身之側。皆中府也。其治多易。中藏者唇吻不收。舌不轉。而失音。鼻不聞香臭。耳聾而眼瞤。大便便秘。結皆曰中藏也。其治多難。經曰。六府不和。流結為癰。五藏不和。九竅不通。若外無留結。內無不通。必知在經矣。初症既定。宜以大藥養之。當順時令。而調陰陽。安藏府。而和榮衛。察病機。審氣宜。而少有不愈者。若風中府者。先以加減續命湯。隨症發其表。若忽中藏者。則大便多秘澀。宜服三化湯。通其滯。表裏症已定。別無他變。故以大藥和治之。大抵中府者。多着四肢中藏者。多滯九竅。雖中府者。多兼中藏之症。至于舌強失音。久服大藥。能自愈也。有中風濕者。夏月多有之。其證身重如山。不能轉側。宜服除濕去熱之藥。治之不可用針。可用灸。今具六經續命湯。方小續命湯。通治八風五痺。痿厥等病。以一歲為總。以六經為別。春夏加石膏。知母。黃芩。秋冬加桂。附片。藥又於六經別約。隨症細分加減。自古名醫。不能越此。

凡覺中風。必先審六經之候。慎勿用大熱藥。烏附之類。故陽剽剛勝。積燎原為消狂。瘡腫之屬。則天癸竭而榮涸。是以中風有此誠。故經所謂邪風之至。疾如風雨。易曰。撓萬物者。莫疾乎風。若感之淺者。留于肌膚。感之深者。達于骨髓。蓋禍患之機。藏于細微。非常人之豫見。及其至也。雖智者不能善其後。是以聖人之教下。皆謂之虛邪。賊風避之有時。故中風者。俱有先見之症。凡人如覺大拇指及次指麻木不仁。或手足不用。或肌肉蠕動者。三年內必有大風之至。經曰。肌肉蠕動。命曰微風。宜先服八風散。愈風湯。天麻丸。各一料為效。故手大指次指。手太陰。陽明。經風多。

著此經也先服祛風滌熱之劑辛涼之藥治內外之邪是以聖人治未病不治已病又曰善治者治皮毛是止於萌芽也故初成者獲愈固久者伐形是治未病之先也

中風之人如小便不利不可以藥利之既得自汗則津液外亡小便自少若利之使榮衛枯竭無以制火煩熱愈甚當候熱退汗止小便自行也兼此症乃陽明大忌利小便須當識此中風之人能食者凡中風病多能食蓋胃已化土脾盛故能食由是多食則脾氣愈盛土剋制腎水水虧則病增據也病宜多服藥不欲多食則病能自愈中風多食者風木也盛則克脾脾受藏求助于食經曰實則夢與虛則夢取是也當瀉肝木治風安脾脾安則食少是其效也中風之人不宜用龍麝犀珠譬之提鈴巡街使盜者伏而不出蓋使風邪入於骨髓如油入麵莫能出也此之類焉若痰潮不省昏憤不知人事宜用藥下其痰涎故風者百病之長庸可忽諸

小續命湯

麻黃 去節

人參

黃芩 各一兩

防己

桂枝

川芎 各一兩

防風 一兩半

附子 半兩

杏仁

甘草 各一兩

右除附子杏仁外搗為粗末後入二味令勻每服五七錢水一盞半生薑五片煎至一盞去滓稍熱服食前凡中風不審六經之加減雖治之不能去其邪也內經云悶則漸然寒閉則熱而悶如暴中風邪宜先以加減續命湯隨症治之

中風無汗惡寒麻黃續命主之

麻黃

防風

杏仁

依本方添加一倍宜鍼太陽至陰出血崑崙陽蹻

中風有汗惡風桂枝續命主之

桂枝

芍藥

杏仁

依本方加一倍宜鍼風府以上二證皆太陽經中風也

中風無汗身熱不惡寒白虎續命主之

石膏

知母 加一料中各

甘草 依本方加一倍

中風有汗身熱不惡風葛根續命主之



葛根一兩

桂枝

黃芩 依本方加一倍

宜針陷谷。刺厲兌。鍼陷谷者。去陽明之賊。刺厲兌者。瀉陽明經之寔也。以上二症。陽明經中風也。中風無汗身涼。附子續命主之。

附子加倍

乾姜加一兩

甘草加三兩

宜刺隱白穴。去太陰之賊也。此一症太陰經中風也。

中風有汗無熱。桂枝續命主之。

桂枝

附子

甘草

依本方加一倍

右六針太谿。此症少陰經中風也。

中風六症混淆。繫之於少陽厥陰。或肢節寧痛。或麻木不知。西羌活連翹續命主之。

小續命八兩

加羌活四兩

連翹六兩

考之續命混淆。無六症之別。今各分經治療。又分經針刺。恰厥陰之井大敦。刺以通其經。少陽之經絕骨。灸以引其熱。是針灸同象法。治之大體也。

中風外無六經之形症。內無便溺之阻格。知血弱不能養筋。故手足不能運動。舌強不能言語。宜養血而筋自榮。大秦光湯主之。

秦光三兩

甘草二兩

川芎二兩

當歸二兩

白芍藥二兩

細辛半兩

川羌活

防風

黃芩各一兩

石膏二兩

白芷一兩

白朮一兩

生地黃一兩

熟乾地黃一兩

白茯苓一兩

川獨活二兩

右一十六味。剉。每服一兩。水煎去滓。溫服。無時。如遇天陰。加生薑煎。如心下痞。每兩加楮實一錢同煎。

中風外有六經之形症。先以加減續命湯隨症治之。內有便溺阻格。復以三化湯主之。

厚朴

大黃

枳實

羌活各等分

右剉如麻豆大。每服三兩水三升。煎至一升半。終日服之。以微利為度。無時。法曰。四肢不舉。俗曰癱瘓。故經所謂太過。則令人四肢不舉。又曰。土太過則敦阜。阜高也。敦厚也。既厚而又高。則令除去。此真所謂膏粱之疾。非肝腎經



虛何以明之經所謂三陽三陰發病為偏枯痿易四肢不舉王注曰三陰不足則發偏枯三陽有餘則痿易二為變易常用而痿弱無力也其治宜瀉令氣弱陽衰土平而愈或三化湯或調胃承氣湯擇而用之若脾虛則不可用也經所謂土不及則卑陷卑下也陷坑也故脾病四肢不用四肢皆稟氣于胃而不能至經必因於脾乃不得稟受也令脾不能與胃行其津液四肢不得稟水穀氣日以衰脉道不利筋骨肌肉皆無氣以生故不用焉其治可補十全散加減四物去邪留正

愈風湯中風症內邪正除外邪已盡當服此藥以行導諸經久服大風悉去縱有微邪只從此藥加減治之然治病之法不可失其通塞或一氣之微汗或一句之通利如此為常治之法也久則清濁自分榮衛自和如此初覺風動服此可不致倒仆

羌活 甘草 防風 蔓荊子 川芎 細辛 枳壳

人參 麻黃 甘菊 薄荷 枸杞 當歸 知母

地骨皮 黃芪 獨活 杜仲 吳白芷 秦羌 柴胡

半夏 前胡 厚朴 熟地黃 防己各二兩 茯苓 黃芩各一兩

石膏 芍藥三兩 蒼朮 生地黃 桂一兩 以上三十三味通七十三兩

右劉每服一兩水二盞煎至一盞去滓溫服如遇天陰加生姜煎空心一服臨卧再煎藥滓服俱要食遠服空心一服喫下二丹丸為之重劑臨卧一服喫下四白丹為之輕劑動以安神靜以清肺假令一氣之微汗用愈風湯三兩麻黃一兩均作四服一服加生薑五片空心服以粥投之得微汗則佳如一句之通利用愈風三兩大黃一兩亦均作四服如前煎臨卧服得利則妙常服之藥不可失四時之轉如望春大寒之後加半夏二兩通四兩柴胡二兩通四兩人參二兩通四兩謂迎而奪少陽之氣也望夏之早加石膏二兩通六兩黃芩二兩通五兩知母二兩通四兩謂迎而奪陽明之氣也季夏之月加防己二兩通四兩白朮二兩茯苓二兩通五兩謂勝脾土之濕也初秋大暑之後加厚朴二兩通四兩藿香二兩桂一兩通二兩謂迎而奪太陰之氣也霜降後望冬加附子一兩桂一兩通二兩當歸二兩通四兩謂勝少陰之氣也得春減冬四時類此雖立法于四時之加減更宜于臨病之

陰審病之虛實寒熱土地之所宜邪氣之多少此藥具七情六慾四氣無使五藏偏勝及不動于榮衛如風秘服之則永不燥結如火瀉服之則能自調初覺風氣便能服此藥及新方中天麻丸各一料相為表裏治未病之聖藥也及已病者更宜常服不問男子婦人及小兒驚癇搐急慢驚風等病服之神效如解利四時傷風隨四時如減法又療脾腎虛弱惡訖言難精神昏憤及治內弱風濕內弱者乃風熱火光體為芳風濕土餘內弱之為病或一臂肢體偏枯或肥而半身不隨或恐而健忘喜而多思故思忘之道皆情不足衛是以心亂則百病生于心靜則萬病悉去故此藥能安心養神調陰陽無偏勝及不動榮衛

四白丹能消肺氣養魄謂中風者多昏胃氣不清故也

白朮 半兩

白芷 一兩

白茯苓 半兩

白檀 一錢半

人參 半兩

知母 二錢

縮砂仁 半兩

羌活 一錢半

薄荷 三錢半

獨活 二錢半

防風

川芎 各五錢

細辛 二錢

甘草 五錢

甜竹葉 二兩

香附子 五錢

龍腦 半錢

射香 一字

牛黃 半錢

藿香 一錢半

右件二十味計八兩六錢三字為細末煉蜜為丸每兩作十丸臨卧嚼一丸分五七次嚼之上清肺氣下強骨髓

二丹九 治健忘養神定志和血內安心神外華腠理

丹參 一兩半

丹砂 五錢

遠志 半兩

茯神 一兩

人參 五錢

菖蒲 五錢

熟地黃 一兩半

天門冬 兩半

麥門冬 一兩

甘草 一兩

右為細末煉蜜為丸如桐子大每服五十丸至一百丸空心食前常服安神定志一藥清肺一藥安神故清中清

者歸肺以助天真清中濁者堅強骨髓血中之清榮養于神血中之濁華榮腠理如素有痰久病中風津液涌溢

在胸中氣所不利用獨聖散吐之後用利氣瀉火之劑本方在後

瀉青丸 治中風自汗昏冒發熱不惡寒不能安卧此是風熱煩燥

當歸

龍胆

川芎

梔子

羌活

大黃

防風 各等分

右為細末煉蜜為丸如彈子大每服一丸竹葉湯化下

天麻丸 係新方中

天麻 六兩酒浸三日晒乾

牛膝 六兩同上浸

杜仲 七兩炒去絲

草薢 六兩別另為細末料

玄參 六兩

當歸 十兩

生地黃 十六兩

羌活 十兩

附子 一兩

右為細末。煉蜜為丸。如桐子大。常服五七十丸。病甚至百丸。空心食前溫酒或白湯下。平明服藥。至日高。飢則止服藥。大忌壅塞。失于通利。故服藥半月。稍覺壅微。以七宣丸輕疎之。使藥再為用也。牛膝草薢治筋骨。杜仲使筋骨相着。天麻羌活和風之聖藥。當歸地黃養血能和榮衛。玄參生用。附子佐之行經也。

獨聖散 治諸風隔疾。諸癰瘰。涎津液涌溢。雜病亦然。

瓜蒂 一兩

右剉如麻豆大。燥令黃色為細末。每服量病之虛寔。新久。或三錢。藥末茶一錢。酸薤汁一盞。調下。若用吐法。天氣清明。陰晦無用。如病卒暴者。不拘于此法。吐時辰巳午以前。故內經曰。平旦至日中。天之陽。陽中之陽也。論四時之氣。仲法曰。大法。春宜吐。是天氣在上。人氣亦在上。一日之氣。卯辰之寅候也。故宜早不宜夜也。先令病人隔夜不食。服藥不吐。再用熱薤水投之。如吐風癰病者。加全蠍五分。微炒。知有虫者。加狗油五七點。雄黃末一錢。甚者加芫花末五分。立吐其虫。如濕腫滿者。加赤小豆末一錢。但此不可常用。大要辨其虛寔。寔則瓜蒂散。虛則梔子豉湯。滿加厚朴。不可一概用之。吐罷可服降火順氣安神定志之劑。

治風癰病不能愈者。從厚朴丸。宜春秋加添外。又于每一料中加。

人參

菖蒲

茯苓 各一兩半去本

右依厚朴丸春秋加添法。和劑服餌。厚朴丸方在吐論中。

防風通聖散

防風

川芎

當歸

芍藥

大黃

芒硝

連翹

薄荷

麻黃 各半兩

石膏

桔梗

黃芩 各一兩

白朮

山梔子

荊芥穗 各半兩

滑石 三兩

甘草 二兩

右為粗末。每服一兩。加生姜同煎。溫服。日再服。勞汗當風。汗出為酸。鬱乃座勞。汗出于玄府。脂液所凝。去芒硝倍。

加芍藥當歸發散玄府之風當調其榮衛俗云風刺或生癰疹或赤或白倍加麻黃鹽豉葱白出其汗麻黃去節亦去芒硝鹹走血而內凝故不能發汗罷依前方中加四物湯黃連解毒三方合而飲之日二服故內經曰以苦發之謂熱在肌表連內也小便淋瀝去麻黃加滑石連翹煎湯調木香末二錢麻黃主表不主裏故去之腰脇痛走症疼痛者加硝石當歸甘草一服各二錢調車前子末海金沙末各二錢內經曰腰者腎之府破傷風者如在表則辛以散之在裏則苦以下之兼散之汗下後通利血氣祛逐風邪每一兩內加荊芥穗大黃各二錢調金蠅末一錢羌活末一錢諸風潮搐小兒急慢驚風大便秘結邪熱暴甚腸胃乾燥寢汗咬牙上竅睡語轉筋驚悸肌肉蠕動每一兩加大黃二錢梔子二錢調茯苓末二錢如肌肉蠕動者調羌活末一錢故經曰肌肉蠕動命曰微風風傷于肺欬嗽喘急每一兩加半夏桔梗紫苑各一錢如打扑傷損支節疼痛腹中惡血不下每一兩加當歸大黃各三錢半調沒藥乳香末各二錢解利四時傷寒內外所傷每一兩內加益元散一兩葱白十莖鹽豉一合半夏半兩水一椀同煎至五七沸或煎一小椀溫冷服一半以筋探之即吐罷後服一半稍熱服汗出立解如飲酒中風身熱頭痛如破者加黃連鬚二錢葱白十莖依法立愈切勿用桂枝麻黃湯解之頭旋腦熱鼻塞濁涕時下一兩加薄荷黃連各二錢半內經曰胆後熱于腦則辛頰鼻淵鼻淵者濁涕下不已也王注曰胆液下澄則為濁涕下不已如水泉故曰鼻淵也此為足太陽脉與陽明脉俱盛也故氣逆者調木香末一錢

癰風論第十一

內經曰癰風者有榮氣熱附其氣不清故使鼻柱壞而色敗皮膚瘍潰故先風寒客于脉而不去名曰癰風又曰脉風成為癰俗云癰病也故治法云大風骨節重鬚眉墮名曰大風刺肌肉病故汗出百日王注曰泄衛氣之怫熱刺骨髓汗出百日泄榮氣之怫熱凡二百日鬚眉生而止鍼怫熱屏退陰氣內復故多汗出鬚眉生也先樺皮散從少至多服五七日後灸承漿穴七壯瘡輕再灸瘡愈再灸後服二聖散泄熱祛血之風邪戒房室三年鍼灸藥止逆類象形此治肺風之法也然不止肺藏有之俗云鼻屬肺而病發于肺端而言之不然如此者慨鼻准腫赤脹但為瘡之類乃謂血隨氣化既氣不施化則血聚矣然血既聚使肉腐爛而生虫也謂厥陰主生五虫厥陰為風木故木主生五虫蓋三焦相火熱甚而制金金衰故木來剋侮經曰侮勝也宜瀉火熱利氣之劑虫自不生也法云流水不腐

戶樞不蠹。此之類也。故此疾為血熱明矣。當以藥緩疎泄之。前局方內外升麻湯下。徐氏內瀉青丸。餘各隨經言之。故病風者。陽氣先受傷也。

樺皮散 治肺藏風毒。遍身瘡疥。及癰疹。搔之成瘡。又治面風刺。及婦人粉刺。

樺皮

四兩燒灰

荊芥穗

二兩

甘草

半兩炙

杏仁

二兩

去皮尖用水一梳子銀器內熬去水一半晒乾收合

枳壳

四兩去核用鹽水浸灰灰于濕紙上合合

右除杏仁外。餘藥為末。將杏仁另研令細。次用諸藥和勻。磁合內放之。每服三錢。食後溫酒調下。

二聖散 治大風癱疾。

大黃

半兩

皂角刺

三錢燒灰

右將皂角刺。一二斤燒灰研細。煎大黃半兩湯調下二錢。早服樺皮散中煎升麻湯下。瀉青丸。晚服二聖散。此數等之藥。皆為緩疎泄血中之風熱也。

七聖丸

中局方

七宣丸

中局方

皆治風壅邪熱。潤利大腸。凡中風風癰。風癱。大便秘澀。皆可服之。此局方中治法。曰。雖椰子。

味苦澀。而能止藏府。此利藥中。用椰子合大黃枳寔。緩緩而推陳泄去邪氣。若老人風秘澀者。乃津液內亡也。切不可用峻劑攻之。內經曰。年四十而氣自半也。起居衰矣。年五十體重。耳目不聰明矣。年六十陰痿氣大衰。九竅不利。下虛上實。涕淚出矣。故曰。知之則強。不知則老。舉世皆言。年老之人無熱俱虛。豈不明年四十。而陰氣自半。則陰虛陽盛明矣。是以陰盛于下。陽盛于上。故上實下虛。此理甚明。

破傷風論第十二

論曰。夫風者百病之始也。清淨則腠理閉。拒雖有大風苛毒。而弗能為害也。故破傷風者。通于表裡。分別陰陽。同傷寒症。治間闊。往往有不知者。只知有發表者。不知有攻裏者。和解者。此汗下和三法也。亦同傷寒症。有在表者。有在裏者。有半在表半在裏者。在裏宜下。在表宜發汗。在表裏之間。宜和解。然汗下。亦不可過其法也。又不可妄意處治。各通其藏脉。免汗泄之非宜也。故破傷風者。從外至內。甚於內者。則病也。因此卒暴傷損。風襲之間。傳于經絡。至使寒熱更作。身體反強。口噤不開。甚者邪氣入藏。則分汗下之。治諸瘡不瘥。榮衛虛。肌肉不生。瘡口不合者。風邪亦能外入於瘡。為破傷風之候。故諸瘡不瘥時。舉世皆言着灸為上。是謂熱瘡。而不知火熱客毒。遂諸經而變者。不可勝數。微則發熱。甚則生風而搐。或角弓反張。口噤目斜。皆因瘡毒鬱結于榮衛。不得宣通而生。亦有破傷。不灸而病此者。

瘡着白痴瘡口閉塞氣難通泄故陽熱易為鬱結而熱甚則生風也故表脉浮而無力者太陽也脉長而有力者陽明也脉浮而弦小者少陽也太陽宜汗陽明宜下少陽宜和解若明此三法而治不中病者未之有也

羌活 防風 川芎 藁本 當歸 芍藥 甘草 各一兩

地榆 華細辛 各二兩

右咬咀每服五錢水一盞半煎至七分去滓熱服不拘時候量緊慢加減用之熱則加大黃二兩大便秘則加大黃一兩緩緩令過

白朮防風湯 若服前表藥過有自汗者宜服此方

白朮一兩 防風二兩 黃芪一兩

右咬咀每服五七錢水一盞半煎至一盞去滓溫服不拘時候藏府和而有自汗可用此藥破傷風藏府秘小便赤自汗不止者因用熱藥汗出不休故知無寒也宜速下之先用芎黃湯三二服後用大芎黃湯下之

川芎一兩 黃芩六錢 甘草二錢

右咬咀每服五七錢水一盞半同煎至七分去滓溫服不拘時候三服即止再用下藥

川芎一錢 羌活 黃芩 大黃 各一兩

右咬咀依前煎服以和為度

發表雄黃散

雄黃一錢 防風二錢 草烏一錢

右件為細末每服一字溫酒調下裏和至愈可服裏不和不可服

蜈蚣散



蜈蚣一對 鱧五錢

左蟠龍五錢炒以烟盡為度即野鴿糞也

右件為細末。每服一錢。清酒調下。治法依前。用裏和至愈可服。但有裏症不可服。次當下之。用前蜈蚣散四錢。巴豆霜半錢。燒蝕為丸。如菴豆大。每服一丸。漸加六七丸。清酒調蜈蚣散少許送下。宣利為度。內外風去可常服。美活湯。緩緩而治。不拘時候。服之。美活湯者。治半在表半在裏也。

美活湯

美活

菊花

麻黃

川芎

石膏

防風

前胡

黃芩

細辛

甘草

枳殼

白茯苓

蔓荊子

以上各一兩

薄荷

五錢

吳白芷

半兩

右咬咀。每服五錢。水一盞半。入生姜五片。同煎至一盞。去滓。稍熱服。不拘時候。日進二服。防風湯。治破傷風。同傷寒表症。未傳入裏者。宜急服此方。

防風

美活

獨活

川芎

各等分

右咬咀。每服五錢。水一盞半。煎至七分。去滓。溫服。三二服後。宜調蜈蚣散大效。

蜈蚣散

蜈蚣一對

鱧三錢

右為細末。用防風湯調下。如前為解表不已。轉覺入裏。當服左龍丸。漸漸看大便硬軟。如巴豆霜服之。

左龍丸

左蟠龍

五錢

白殭蚕

五錢

炒半兩

雄黃一錢

右同為細末。燒蝕為丸。如桐子大。每服十五丸。溫酒下。如裏症不已。當于左龍丸末一半內。入巴豆霜五分。燒蝕為丸。如桐子大。每服一丸。同左龍丸一處合服。每服藥中加一丸。如此漸加。服至利為度。若利後更服後藥。若搐症不已。亦宜服後藥。美活湯也。

美活湯

美活

獨活

防風

地榆各一兩

右咬咀每服五錢。水一盞半。煎至一盞。去滓溫服。如有熱加黃芩。有涎加半夏。若病日久。氣血漸虛。邪氣入胃。全養血為度。

養血當歸地黃散

當歸 地黃

芍藥

川芎

薑本

防風

白芷

各一兩

細辛五錢

雄黃散 治表藥。

天南星 三錢 半夏五錢

天麻五錢

雄黃二錢半

右為細末。每服一錢。溫酒調下。如有涎。于此藥中加大黃以下之。

地榆防風散

治破傷風中風。半在表。半在裏。頭無汗。身無汗。不可發汗。宜表裏治之。

地榆 防風

地丁香

馬齒莧 各等分

共為細末。每服三錢。溫米飲調下。

白朮湯 治破傷風。大汗不止。筋攣搖搦。

白朮

葛根 各一兩 升麻

黃芩 各半兩 芍藥二兩

甘草二錢半

右咬咀。每服一兩。水一盞半。煎至一盞。去滓溫服。不拘時候。

江鰮丸 治破傷風。驚而發搐。藏府秘泄。知病在裏。可用江鰮丸下之。

江鰮 研炒

野鴿糞 炒 兩

雄黃一錢

白殭蚕 半兩 蜈蚣一對

天麻一兩

右件為細末。又將藥末作三分。用二分燒蝕為丸。如桐子大。硃砂為衣。後將一分。入巴豆霜一錢。同和。亦燒蝕為丸。如桐子大。不用硃砂衣。每服硃砂為衣丸二十丸。入巴豆霜一丸。第二服二丸。如至利為度。再服硃砂為衣丸。

病愈乃止。

沒藥散 治刀箭傷。止血定痛。

定粉一兩

風化灰一兩

枯白礬

三錢

乳香

半錢

沒藥

一字

各研為細末。和勻。再研搗之。

解利傷寒論第十三



論曰傷寒之法。先言表裏。及有緩急。三陽表當急。裏當緩。三陰表當緩。裏當急。又曰脉浮當汗。脉沈當下。脉浮汗急而下。緩謂三陽表也。脉沈下急而汗。緩謂三陰裏也。麻黃湯謂之急。麻黃附子細辛湯謂之緩。內經云。有清形以為汗。為汗之緩裏之表也。又云在皮者。汗而發之。為汗之急。表之表也。急汗者太陽。緩汗者少陰。是藏府之輸應也。假令麻黃附子細辛湯。是少陰症。始得發熱。脉沈裏和無汗。故漬形以為汗。假令麻黃湯。是太陽症。頭項痛。腰脊強。脉浮無汗。是裏和也在皮者。汗而發之也。經曰治主以緩。治客以急。此之謂也。

麻黃湯

麻黃去節

桂枝三錢

甘草二錢

杏仁去皮尖炒

右咬咀共作一服水煎去滓溫服

假令得肝脉。其外症喜潔面青善怒。其三部脉俱弦而浮。惡寒裏和。謂清便也麻黃湯內加羌活防風各三錢。謂肝主風。是胆經受病。大便秘。或泄下。赤水無數。皆裏不和也。

假令得心脉。其外症面赤口乾善笑。其尺寸脉浮而洪。惡寒裏和。謂清便也麻黃湯內加黃芩石膏各三錢。謂心主熱。是小腸受病也。

假令得脾脉。其外症面黃善噫。善思善味。尺寸脉俱浮而緩。裏和惡寒。麻黃湯內加白朮防己各五錢。謂脾主濕。是胃經受病也。

假令得肺脉。其外症面白善嚏。悲愁不樂。欲哭。其尺寸脉俱浮而澀。裏和惡寒。麻黃湯內加桂枝生薑各三錢。謂肺主燥。是大腸受病也。

假令得腎脉。其外症面黑善恐。顯其尺寸脉俱浮。而裏和惡寒。麻黃湯內加附子生薑。謂腎主寒。是膀胱受病也。

已上五證。皆表之表。謂在皮者。急汗而發之也。皆府受病。表之裏者。下之當緩。謂隨藏表症。外顯尺寸脉俱浮。而復有裏症。謂發熱飲水便利赤澀。或泄下赤水。按之內實或痛。麻黃湯去麻黃。杏仁與隨臟元加藥同煎。作五服。每下一症。初一服加大黃半錢。邪盡則止。未盡第二服加大黃一錢。邪未盡第三服加大黃一錢半。如邪不盡再加之。邪盡則止。此所謂先緩而後急。是表之裏症。下之當緩也。

麻黃附子細辛湯

麻黃半兩

細辛半兩

附子一錢一分

右咬咀都作一服水煎去滓溫服

假令得肝脉。其內症滿閉淋瀝便難轉筋。其尺寸脉俱沈而弦。裏和惡寒。肝經受病。麻黃附子細辛湯。加羌活防風各三錢。

假令得心脉。其內症煩心心痛。掌中熱而噤。其尺寸脉俱沈。裏和惡寒。心經受病。加黃芩石膏各二錢。

假令得脾脉。其內症煩心心痛。掌中熱而噤。其尺寸脉俱沈。裏和惡寒。心經受病。加黃芩石膏各二錢。

假令得肺脉。其內症煩心心痛。掌中熱而噤。其尺寸脉俱沈。裏和惡寒。心經受病。加黃芩石膏各二錢。

假令得脾脉其内症腹脹滿食不消急情嗜卧其尺寸脉俱沈裏和惡寒脾經受病加白朮防己各三錢假令得肺脉其内症喘欬洒淅寒熱其尺寸脉俱沈裏和惡寒肺經受病加生姜桂枝各三錢假令得腎脉其内症泄如下重足脛寒而逆其尺寸脉俱沈裏和惡寒更加附子生薑各三錢

已上五證裏之表也宜清形以為汗皆藏受病也裏之裏者下之當急謂隨藏內證以顯尺寸脉俱沈復有裡症者謂大小便秘澁或泄下赤水或泄無數不能飲食不惡風寒發熱引飲其脉俱沈或按之內寔而痛此為裏證宜速下之麻黃附子細辛内麻黃與隨藏元加藥内分作三服每下一症初一服加大黃三錢邪盡即止如邪未盡第二服加大黃二錢又未盡第三服加大黃一錢此先急而後緩謂裏之裏也當速下之也

通解利傷寒不問何經之受皆能混然解之謂不犯各經之受病雖不解盡亦不至壞症

羌活湯

羌活 二兩

防風 一兩

川芎 一兩

黃芩 一兩

細辛 二錢

甘草 一兩

黑地黃 一兩

白朮 二兩

如用若

右咬咀每服五七錢水二盞煎至一盞無時溫服清如覺發熱引飲加黃芩甘草各一兩更隨症用之如頭痛惡

風于白朮湯一兩内加羌活散三錢都作一服

羌活散

羌活 一兩

川芎 七錢

細辛 根二錢

如身熱依前加石膏湯四錢

石膏湯

石膏 二兩

知母 半兩

白芷 七錢

如腹中痛者加芍藥散三錢

芍藥散

芍藥 二兩

桂 五錢

如往來寒熱而嘔加柴胡散二錢


柴胡散

柴胡 根一兩

半夏 五錢

加生姜煎如心下痞加枳實一錢如有裏症加大黃初服一錢次二錢三錢邪盡則止

論曰有汗不得服麻黃無汗不得服桂枝然春夏汗孔疎雖有汗不當用桂枝宜用黃芪湯和解秋冬汗孔閉雖無



汗不當用麻黃。宜用川芎湯和解。春夏有汗。脉微而弱。惡風惡寒者。乃太陽症。秋冬之脉也。亦宜黃芪湯。無汗亦宜川芎湯。秋冬有汗。脉盛而浮。發熱身熱者。乃陽明症。春夏之脉也。亦宜黃芪湯。無汗亦宜川芎湯。大抵有汗者。可用黃芪湯。無汗者。亦可用川芎湯。

黃芪湯有汗則止也。

黃芪 白朮 防風 各等分

右咬咀。每服五七錢。至十餘錢。或半兩。一兩。水煎溫服。清汗多。惡風甚者。加桂枝。

川芎湯無汗則發也。

川芎 白朮 羌活 各等分

右咬咀。同黃芪湯。稍熱服。惡寒甚。則及脉大浮。半加麻黃。法云五藏之脉寸關尺也。今止言尺寸。陰陽也。如陽緩而陰急。表和而裏病。陰緩而陽急。裏和而表病也。

若傷寒食少發渴。只可和胃止渴。不可太涼藥止之。然惡涼藥止之。損着胃氣。必不能食也。

和胃白朮湯

白朮 茯苓

起卧不能謂之濕。身重是也。小柴胡湯。黃芩芍藥湯。起卧不安。眠睡不穩。謂之煩。桅豉湯。竹葉石膏湯。解利四時傷寒。混解六經。不犯禁忌。

大白朮湯

白朮 二兩 防風 一兩 羌活 一兩 川芎 一兩 黃芩 五錢 細辛 三錢 白芷 一兩半

石膏 二兩 知母 七錢 甘草 五錢 或枳實 五錢 去穢

右為粗末。每服半兩。水一盞半。煎至一盞。大溫服。清未解。更一服。兩服藥滓。又作一服。春倍防風羌活。夏倍黃芩。知母。季夏雨注。倍白朮白芷。秋加桂五錢。冬加桂八錢。或一兩。立夏之後。至立秋處暑之間。傷寒者身多微涼。微有自汗。四肢沈重。謂之濕溫。又謂之濕淫。宜蒼朮石膏湯。



蒼朮石膏湯

蒼朮半兩 剉 石膏末五錢 知母一錢半 剉 甘草一錢 剉

右同和勻都作一服水兩盞煎至一盞溫服清胃內有濕熱也多不欲飲水如身熱脉洪無汗多渴者是熱在上焦積于胸中宜桔梗散

桔梗散

薄荷一錢 黃芩一錢 甘草一錢 桔梗半兩 連翹二錢 山枝子仁一錢

右剉每服五錢或七錢秤半兩水煎加竹葉如大便秘結加大黃半錢


熱論第十五

論曰有表而熱者謂之表熱也無表而熱者謂之裏熱也有暴發而為熱者乃表不宣通所致也有服溫藥過劑而為熱者有惡寒戰慄而為熱者蓋諸熱之屬者心火之象也王注曰百端之起皆自心生是以上善若水下愚若火治法曰小熱之氣涼以和之大熱之氣寒以去之甚熱之氣則汗發之發之不盡則逆治之制之不盡求其屬以衰之故曰苦者以治五藏五藏屬陰而居于內辛者以治六府六府屬陽而在外故內者下之外者發之又宜養血益陰其熱自愈此所謂不治而治也故不治謂之常治治而不治謂之暴治經所謂諸寒而熱者取之陰諸熱而寒者取之陽此所謂求其屬也王注曰益火之源以消陰翳用水之主以制陽光此之謂也

病有暴熱者病在心肺有積熱者病在腎肝暴熱者宜局方中雄黃解毒丸積熱者局方中妙香丸暴熱上喘者病在心肺謂之高喘木香金鈴子散上焦熱而煩者牛黃散藏府秘者大黃牽牛散上焦熱無他症者桔梗湯有虛熱不能食而熱者脾虛也宜以厚朴白朮陳皮之類治之有寔熱能食而熱者胃寔也宜以梔子黃芩湯或三黃丸之類治之蔚金柴胡之類亦是也有病久憔悴發盜汗謂五藏齊損此熱勞骨蒸病也瘦弱虛煩腸癖下血皆蒸勞也宜養血益陰則熱自退當歸生地黃或錢氏地黃丸是也

木香金鈴子散 治暴熱心肺上喘不已

大黃半兩 金鈴子三錢 木香三錢 輕粉少許 朴硝一錢



右為細末柳白皮湯調下三錢或四錢食後服以利為度喘止即止。

牛黃散 治上焦熱而煩不能睡卧。

梔子 半兩 大黃 半兩 蔚金 半兩 甘草 二錢

右為細末每服五錢水煎溫服食後微利則已。

大黃牽牛散 治相火之氣遊走藏府大便秘結。

大黃 二兩 牽牛 頭末五錢

右為細末每服三錢有厥冷酒調三錢無厥冷而手足煩熱者蜜湯調下食後微利為度此不時而熱者濕熱也。
地黃丸 治久病憔悴寢汗發熱五藏齊損瘦弱虛煩腸癖下血骨蒸痿弱無力不能運動。

熟地黃 一兩 山茱萸 四錢 乾山藥 四錢 牡丹皮 白茯苓 澤瀉 各三錢

右為細末煉蜜為丸桐子大每服五十丸空心溫酒送下。

防風當歸飲子 如煩渴皮膚索澤食後煎服防風飲子空心服地黃丸。

柴胡 人參 黃芩 甘草 各一兩 大黃 當歸 芍藥 各半 滑石 三兩

右為粗末每服五錢水一盞半生薑三片同煎至七分去滓溫服如痰寔欬嗽加半夏如大便黃米穀完出惊悸

溺血淋閉欬血衄血自汗頭痛積熱肺痿後服大金花丸。

大金花丸

黃連 黃柏 黃芩 山梔子 各一兩

右為細末滴水為丸如小豆大每服一百丸溫水下日二三服如大便是加大黃自利不用大黃如中外有熱者此藥作散劉服名解盡湯或腹滿嘔吐欲作利者每服半兩解盡湯中加半夏茯苓厚朴各三錢生薑三片如白

膿下痢後重者加大黃三錢。

涼膈散 加減附于後

連翹 山梔子 大黃 薄荷葉 各半 黃芩 半兩 甘草 半兩 朴硝 二錢